

欽定八旗通志卷一百三十八

人物志十八

大臣傳四

滿洲鑲黃旗四直

拉哈達

華善

額楚

陳秉

代

各國網

佟國維

華善

華善滿洲鑲黃旗人姓伊爾根覺羅世居佛阿拉

祖塞楞鄂哈思瑚

國初來歸華善其五世孫也順治元年任筆帖式二

年授雲騎尉五年遷刑部主事九年

恩詔加騎都尉世職十年遷本部郎中十三年八月隨寧

海大將軍伊爾德勒舟山海寇陳六御阮思華善
率所部舟師直前陷陣身被數創力戰馘斬二人
部卒繼進遂敗賊舟山平叙功加一雲騎尉康熙
元年同吏部郎中陳一炳赴廣東安輯降卒三年
疏報僞都督杜輝率僞官百餘員兵二千餘來獻
南澳地僞將軍張雄鄭夢蛟僞監軍莊夢侯等各

繳偽關防牌劄投誠給口糧願歸農者安置從戎者入伍章下所司五年授兵部督捕理事官七年遷太僕寺卿八年授內宏文院學士九年五月

命巡撫甘肅疏言寧州地處邊鄙土瘠賦重近因歲歉民逃地荒請將本州錢糧照真寧縣一例徵收其逃荒地丁豁免從之十二年三月疏言鞏昌所屬西和禮縣去歲疫癘盛行牛驢倒斃亦衆若待請始賑恐播種愆期災民殘喘難待已發帑銀買耕牛

給籽種計口糧賑部議華善違例擅發應令賠補
詔優免十三年冬陝西提督王輔臣叛于寧羌十四年正
月叛黨趙士昇等犯鞏昌蘭州勢孤華善檄甘肅
提督張勇總兵孫思克王進寶來援未至蘭州遊
擊董正已應賊城且陷官民固請華善以身免作
恢復計二月華善乃與按察使伊圖自蘭城出西
渡河至永昌與勇進寶會議進取策疏請

賜勅假勇事權得便宜行事

詔授勇靖逆將軍華善偕勇進寶出蘭州臨鞏路令寧夏
鎮陳福出靖遠路思克防大靖蘆塘索橋等處各
分兵進嗣進寶先渡河東華善慮其軍孤遣遊擊
黃鉉守備李守魁率騎進援至新城進寶與賊戰
鉉等從旁掩擊陣斬數百級擒賊將李廷玉郭虎
三月進圍蘭州時叛將潘瑀據洮州曾文耀據河
州額魯特達爾加岱成等乘隙入寇肆掠人口牛
畜四月華善乃留進寶伊圖圍蘭州親統兵赴臨

洮鞬禦遣土司楊朝樑攻洮州副將楊三元攻河
州並逐額魯特人衆出境瑀文耀遁走遂復河洮
二城河西乃寧閏五月華善領兵圍鞬昌賊困突
出我兵奮擊多斬獲賊敗入城輔臣遣將李國樑
援鞬華善發兵邀截掘濠塹於鞬城斷賊出路六
月賊降復鞬昌同日進寶復蘭州諸疏入

上嘉勞之先是額魯特入犯河州漢回民被誘出關華善
患之遣官招撫七月三元招回馬嘉錦馬應才等

萬餘人復其業十五年三月華善與勇議伏羌爲
秦鞏要路恐賊襲取遣遊擊安守正劉廷棟等防
守未幾賊來襲伏羌官兵勦禦擒斬無數

諭旨嘉獎八月疏言臨鞏二府地瘠民貧自逆賊蹂躪土
荒民散請免十四年逋賦銀七萬八千八百三十
餘兩糧六萬八百餘石其已輸者抵十五年正賦
下部議行九月以病乞休得

旨地方初定正資料理著燁心供職無以病免尋卒于官

長子瑪思泰襲職卒襲除

額楚

兄子格克里

額楚滿洲鑲黃旗人先世居薩哈勒察姓烏扎拉

世祖章皇帝順治二年內大臣和洛輝統師駐防西安道

經河南明總兵劉洪起既降復叛據西平縣城和

洛輝督兵樹雲梯攻勦護軍昂海先登額楚繼之

遂克其城叙功于雲騎尉世職尋授佐領屢遇

恩詔晉世職至三等輕車都尉十五年從大軍取貴州明

年凱旋隨副都統噶楚哈瑪爾賽至荊州聞海賊
鄭成功犯江寧由大江趨援噶楚哈令額楚爲鑲
黃旗營總合江寧駐防兵擊敗賊衆叙功晉世職
二等輕車都尉尋授駐防江寧協領擢副都統

聖祖仁皇帝康熙七年授江寧將軍十三年逆藩耿精忠
叛應吳三桂遣賊將由福建陷江西廣信建昌饒
州等府徽州及婺源績溪等縣俱從逆額楚奉

詔同署副都統宗室巴爾堪率兵往剿逆賊萬餘於績溪

縣西北迎戰額楚督兵奮擊陣斬僞副將一及賊
衆三千餘擒從逆把總劉成功斬之復績溪遂復
徽州府城賊將踞休寧縣之新嶺倚險立寨額楚
分步兵左右擊騎兵由中路進攻破鹿角毀木柵
斬賊五百餘乘勝進剿至婺源賊皆潰遁婺源亦
復額楚奉

詔征饒州擊賊於樂平縣之段家村斬二千餘級進薄樂
平東門前鋒叅領巴特瑪樹雲梯登城賊兵五百

餘由西南二門出遁額楚遣兵追襲擒斬過半進
次鄱陽縣大磯莊賊由雲髻峰下來犯額楚遣巴
特瑪等列陣奮戰賊敗潰從逆饒州叅將陳九傑
時爲僞都督棄城遁入鄱陽湖額楚撫定城中人
民賊旋由湖中駕船三百來犯額楚督兵射殪三
百餘賊以礮擊毀賊十餘船餘賊俱竄遁十四年
四月額楚率兵勦賊萬年縣至石頭街渡口遠望
隔岸分布賊營十數處賊船二百餘橫踞渡口額

楚令步兵直趨渡口集戰艦發鎗礮密令騎兵乘
夜由上流潛渡繞出賊營後水陸夾擊殲賊數千
盡獲賊船陳九傑就擒伏誅餘賊棄城遁賊之在
安仁者皆乘船遁我兵追及之賊以風逆泊船拒
戰旋自焚其船棄資械奔竄萬年安仁二縣悉平
五月勦賊弋陽賊將蔣得軫等率賊五萬於城北
樹木柵十有五又以五千餘賊分踞西崗橋額楚
分兵爲二攻毀木柵奪取西崗橋賊卻入城我兵

登城攻克擒斬僞遊擊張三奇僞都司張明德胡
中甲等先後擊斬及溺水死者二萬餘賊十五年
簡親王喇布自江寧移師南昌額楚奉

詔叅贊軍務吳三桂賊將高大傑等突陷吉安據之額楚
同將軍哈勒哈齊率兵攻克外城與賊相持賊將
馬寶韓大任引賊數萬來援額楚迎戰於螺子山
等處屢失利會安親王岳樂自袁州進征湖南圍
長沙馬寶聞急趨救吉安賊衆食盡乘夜出南門

奔逸

上遣侍郎班第察奏螺子山戰敗罪以額楚不能舉發首先敗走之人又賊遁不行追擊罪無可諉應罷任革世職

命以世職仍領江寧兵立功贖罪率兵赴廣東十六年九月賊將胡國柱馬寶率賊萬餘犯韶州額楚師次蓮花山賊逼營額楚督兵禦擊會將軍莽吉圖自城中出兵夾擊大敗賊賊由帽峰山遁追擊至樂

昌仁化

詔莽吉圖進駐梧州額楚守韶州十二月

諭曰韶州地屬緊要一切軍務額楚若啓簡親王轉奏恐
多遲誤其令額楚以江寧將軍印統轄兵馬事許專奏

十七年

詔同都統勒貝率兵進駐梧州叅贊莽吉圖軍務時廣東

總兵祖澤清復叛自高州勾結山海諸賊犯電白

額楚奉

金史卷一百一十二
詔會勦擊卻賊衆進駐藤縣遇大疫士馬多病罷額楚以
聞

命別擇要地移駐額楚旋疏言吳逆據鬱林容縣潯州聲
言三路來犯藤縣軍營未可動移但士馬缺乏應
請增遣以備勦禦

上命其仍駐藤縣

諭將軍舒恕於南雄韶州兵內擇有馬者發額楚軍未至
賊犯藤縣額楚同巡撫傅宏烈率兵禦擊失利退

保梧州賊陷藤縣十八年二月賊將吳世琮犯梧
州額楚同莽吉圖傳宏烈擊卻之賊併力犯南寧
城中食盡時降鎮馬承蔭守南寧遣人告急額楚
與莽吉圖舒恕勒貝分兵四路趨援擊賊於新邨
西山之巔斬殪無算世琮負創奔逸南寧圍解額
楚駐守永淳十九年六月額楚奉

詔還江寧二十年十月卒於任以兄子格克里之次子富
努保襲二等輕車都尉世職富努保尋卒以格克